

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02-11-4- 8182/21  
Datum: 16.12.2021.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 10. stav 1. tačka d), člana 18. stav (2), Zakona o javnim nabavkama („Službeni glasnik Bosne i Hercegovine”, broj 39/14) policijski komesar Uprave policije Ministarstva unutrašnjih poslova, d o n o s i:

**ODLUKU o izuzeću od primjene Zakona o javnim nabavkama**

**I**

Od primjene Zakona o javnim nabavkama BiH izuzimaju se nabavke usluga ljekarskog pregleda kandidata koji učestvuju u proceduri zapošljavanja i upućivanja na osnovnu obuku za kadete, procjenjena vrijednost 16.000,00 KM bez PDV-a.

**II**

Sredstva za nabavku usluga iz člana I ove odluke osiguravaju iz Budžeta Kantona Sarajevo za 2021. godinu, razdjel 17 - MUP, glava 02 - Uprava policije, ekonomski kod 613900.

**III**

Ova Odluka stupa na snagu danom donošenja i bit će objavljena na službenoj stranici Ministarstva unutrašnjih poslova Kantona Sarajevo.

**O b r a z l o ž e n j e**

Odredbama Zakona o policijskim službenicima Kantona Sarajevo („Službene novine KS”, broj 38/18, 26/19 i 39/20) i Pravilnika o kriterijima i načinu utvrđivanja zdravstvene sposobnosti policijskih službenika Uprave policije Ministarstva unutrašnjih poslova Kantona Sarajevo („Službene novine KS”, broj: 44/19), propisano je da provjeru i utvrđivanje zdravstvene sposobnosti kandidata koji učestvuju u proceduri zapošljavanja i upućivanja na osnovnu obuku za kadete vrši Zavod za zdravstvenu zaštitu zaposlenika Ministarstva unutrašnjih poslova Kantona Sarajevo. Za predmet javne nabavke naveden u članu I ove odluke, pozitivnim propisima utvrđeno je da navedene usluge vrši Zavod za zdravstvenu zaštitu zaposlenika Ministarstva unutrašnjih poslova Kantona Sarajevo i da se navedeni predmet javne nabavke može nabaviti samo od navedenog dobavljača. Takođe, Odlukom o preuzimanju prava i obaveza osnivača i usklađivanju organizacije i poslovanja javne ustanove Zavod za zdravstvenu zaštitu zaposlenika Ministarstva unutrašnjih poslova Kantona Sarajevo („Službene novine KS”, broj: 7/12) propisano je da Zavod osnovan u cilju pružanja usluga primarne i specijalističko-konsultativne zaštite zaposlenicima Ministarstva unutrašnjih poslova KS. S tim u vezi Zavod ima zakonski monopol vršenja ove vrste zdravstvenih usluga za navedena lica. U skladu sa naprijed navedenim ispunjeni su uslovi za izuzeće od primjene Zakona o javnim nabavkama BiH („Službeni glasnik BiH” broj 39/14) u skladu sa članom 10. stav 1. tačka d).

**Dostaviti:**

1. Sektoru za materijalno finansijske poslove
2. Odjeljenju za odnose s javnošću, radi objave na web stranici ovog organa
3. a/a

**POLICIJSKI KOMESAR**  
**Generalni inspektor policije**

Nusret Selimović